



Il pli impurtant en furma concisa

Tge èn ils «World Winter Games»?

«World Winter Games» è englais.

En rumantsch è quai «Gieus d'enviern mundials».

Quests gieus d'enviern èn

in'occurrenza da sport d'enviern fitg gronda
per e cun persunas cun impediments.

En 9 disciplinas da sport d'enviern datti concurrenzas.

Per exempel ir cun skis, ir cun aissa u patinadi artistic.

L'occurrenza dura 12 dis.

Circa 3'100 persunas da passa 100 pajais
sa participeschan als gieus d'enviern.

L'onn 2029 han ils World Winter Games
lieu per l'emprima giada en Svizra.

Las concurrenzas vegnan manadas tras
en plirs lieus dal chantun Grischun.

In grond avantatg per il Grischun

Tut las concurrenzas han lieu en il Grischun.

Las concurrenzas èn a Cuira, ad Arosa ed a Lai.

Il chantun Grischun collavura stretgmain
cun il chantun Turitg e cun la citad da Turitg.

Blers auters lieus grischuns dattan suttetg
a las participantas ed als participants
sco er a las visitadras ed als visitaders.



En tut il chantun Grischun vegni a dar
circa 40'000 pernottaziuns
durant ils World Winter Games.
Quai è ina gronda reclama per il turissem.

Blera glied da tut il chantun Grischun
vegn a sa participar als gieus d'enviern:

- sco ospitantas ed ospitants,
- sco gidantras voluntaras e gidanters voluntars
- e sco visitadras e visitaders da las concurrenzas.

Avantatgs per persunas cun impediments

In'occurrentza da sport uschè gronda
dat natiralmain er blera lavur:
per preparar ils gieus d'enviern
e per manar tras ils gieus d'enviern.

Igl è fitg impurtant
che las persunas cun impediments
gidian qua.

Ellas san il meglier,
tge che persunas cun impediments dovran
e tge ch'ins sto resguardar.

Las persunas cun impediments e lur organisaziuns
collavuran perquai durant in lung temp.

Lur savida è indispensabla per questa lavur.

A las instituziuns per persunas cun impediments
ed a las interpresas da la regiun
vegnan surdadas lavurs per ils gieus d'enviern.



In pass impurtant per dapli inclusiun

Tge è inclusiun?

Inclusiun vul dir integrar.

Quai vul dir:

Persunas cun impediments
ston pudair viver en la societad
gist uschia sco persunas senza impediments.
Tut las persunas da nossa societad
ston avair ils medems dretgs
e las medemas pussaivladads.

La Svizra ha suttascrit l'onn 2014 in contract.
Quest contract cuntegna ils dretgs
da las persunas cun impediments sin l'entir mund.

Il contract sa numna:

«Convenziun da l'ONU
davart ils dretgs dals umans cun impediments».

La Regenza sustegna quest contract
e tut ils dretgs da las persunas cun impediments.
L'inclusiun è in punct impurtant en quest contract.

Ils gieus d'enviern 2029 èn in'occurrentza
che promova fermamain l'inclusiun.

Uschia vesa blera glied,
tge abilitads e tge fermezzas
che las persunas cun impediments han.



Quant custan ils gieus d'enviern?

Ils gieus d'enviern 2029 custan 38 milliuns francs.
Quests custs vegnan pajads da differentas varts.

Per exempel da la Svizra,
dal chantun Grischun,
da las vischnancas,
dal chantun Turi
u da la citad da Turi.
Er diversas organisaziuns privatas
e diversas persunas privatas
dattan daners per ils gieus d'enviern.